



**BOSNIA AND HERCEGOVINA**  
MINISTRY OF FINANCE  
AND TREASURY

Na osnovu člana 61. Zakona o upravi ("Službeni glasnik BiH", broj 32/ 02 i 102/09), a u vezi člana 16. Zakona o finansiranju institucija Bosne i Hercegovine ("Službeni glasnik BiH", broj 61/04 i 49/09) i člana 15. Zakona o Budžetu institucija Bosne i Hercegovine i međunarodnih obaveza Bosne i Hercegovine za 2010. godinu ("Službeni glasnik BiH", broj 103/09), Ministar finansija i trezora donosi,

**Procedure**  
**o prestrukturiranju rashoda budžetskih korisnika za 2010.godinu**

**I**

Ovim procedurama utvrđuje se postupak i način prestrukturiranja rashoda budžetskih korisnika u okviru ukupnog iznosa odobrenog svakom pojedinom budžetskom korisniku Zakonom o budžetu institucija Bosne i Hercegovine i međunarodnih obaveza Bosne i Hercegovine za 2010. godinu.

**II**

Budžetskom korisniku Ministarstvo finansija i trezora može odobriti prestrukturiranje rashoda unutar iznosa ukupno odobrenog Budžetom najviše do 10% ukupno odobrenih rashoda za tog budžetskog korisnika, uzimajući u obzir sva odobrena prestrukturiranja u toku 2010. godine.

Prestrukturiranjem se ne mogu smanjivati višegodišnja kapitalna ulaganja.

**III**

Zahtjev za prestrukturiranje sastoji se iz dva dijela:

1. Obrasca zahtjeva za prestrukturiranje i
2. Obrazloženja

#### IV

Obrazac zahtjeva za prestrukturiranje nalazi se u prilogu ovih Procedura i čini njihov sastavni dio.

#### V

Obrazloženje u pisanoj formi sastoji se iz dva dijela. Prvi predstavlja sveobuhvatnu analizu kojom se objašnjava zbog čega je došlo do potrebe prestrukturiranja, na analitičkim kontima, a drugi dio predstavlja projekciju trošenja u narednom razdoblju uz potrebna pojašnjenja ponuđenih predviđanja.

#### VI

O izvršenom prestrukturiranju Ministarstvo finansija i trezora donosi odluku i o tome obavještava korisnika (podnosioca zahtjeva za prestrukturiranje).

#### VII

Nakon prijema Odluke o prestrukturiranju budžetski korisnik je dužan izvršiti potrebne promjene u dinamičkom planu i iste dostaviti Ministarstvu finansija i trezora na dalji postupak.

#### VIII

Ove Procedure dostavit će se svim budžetskim korisnicima i objaviti na web-stranici Ministarstva finansija i trezora Bosne i Hercegovine i iste će se primjenjivati na sva prestrukturiranja rashoda budžetskih korisnika u okviru ukupno odobrenog Budžeta institucija Bosne i Hercegovine i međunarodnih obaveza Bosne i Hercegovine za 2010. godinu.

Broj: 01-05-16-1-1346-1/10  
Sarajevo, 03.02.2010. godine

**Ministar**  
**Dragan Vrankić**